



**Reglamaint digl  
cumejn da Savognin  
per carar sen veias da gôt  
cun vehichels a motor**

Sa basond agl art. 15 dalla lescha da gôt federala, agl art. 20 dalla lescha da gôt cantunala ed art. 16 dall'ordinaziun da gôt cantunala relaschea dalla radunanza communal igls 19 d'avregl 2002.

### **Artetgel 1**

*Veias da gôt sainza scumond da carar*

Las suandontas veias da gôt on la funcziun da veias da cumegn ed èn avertas per igl traffic da vehichels a motor:

- Veia d' Alp (Soras anfignen Plang la Curvanera)
- Veia Bagianera/l' Eisla/Tarvisch (Son Martegn anfignen l' Eisla /Tarvisch)

I valan las suandontas restricziuns:

- Peisa maximala 18 tonnas, (a parteir da Bagianera, a parteir da Soras)
- Largezza maximala 2.3 m (parzialmaintg pi pac)

### **Artetgel 2**

*Scumond da carar cun lubientschas excepziunalas*

Las suandontas veias da gôt servan ultra all'economia forestala ed all'agricultura er per ulteriours scopos. I vala en scumond da carar per vehichels a motor cun excepziuns tenor art. 4 e 5 da chest reglamaint:

- Eisla-Ual Tuorsch (Tgantagict)
- Gôt da Rotta
- Senslas
- Tussagn
- Nassegl

I valan las suandontas restricziuns:

- Peisa maximala 18 tonnas, (a parteir da Bagianera, a parteir da Soras)
- Largezza maximala 2.3 m (parzialmaintg pi pac)

### **Artetgel 3**

*Scumond da carar per vehichels a motor*

Tot las ulteriouras veias da gôt servan exclusivamaintg all'economia forestala. Ellas dastgan neir caradas cun vehichels a motor angal per igls scopos previas tenor la lescha da gôt federala e cantunala.

#### **Artetgel 4**

*Excepziun sainza  
lubientscha*

Nigna lubientscha dovran:

- a) Tots viadis da sarvetsch dalla pulizeia, organs dalla sur-  
vigilanza da tgatscha, guardia dad ieli e chemia, viadis  
per scopo d'adampleir activitads uffizialas u legalas (p.  
ex. scutgamegn, pulizeia da fi, dertgira per vistas occula-  
ras etc.) scu er viadis an sarvetsch dalla confederaziun.
- b) Viadis da medis e veterinaris per muteiv d'activitad pro-  
fessiunala.
- c) Viadis tgi vignan ordinos digl uffezi responsabel per cass  
da discletgs, incendis e catastrofas.
- d) Viadis per igl transport da selvaschigna d'ungla sagiatta-  
da.

#### **Artetgel 5**

*Excepziuns cun obliga-  
ziun da lubientscha*

La suprastanza communal consegna sen dumonda lubient-  
schas da carar per:

- a) Vehichels da possessours da schaschant, fittadigns e  
locataris per igl access a lour bagn immobigliars.
- b) Vehichels da furnitours, gliout da professiun, ustiers da  
tgamonas, concessiunaris etc. per l'execuziun da lour  
activitad.
- c) Apportaders per scopos definias scu igl transport da len-  
na d'intgant e da bistgetta, visetas agls pasters, visetas  
a tgamonas, ageid da fanar etc.
- d) Vehichels da persungas impedeidas dad eir.

#### **Artetgel 6**

*Lubientschas*

Las lubientschas vignan dadas dalla canzleia communal.

La lubientscha n'è betg surpurtabla. Ella stò neir montada  
bagn visibla ve digl vehichel. Per vehichels da passa 3.5 t pò  
la suprastanza communal pretender tenor la capacitad da  
tgargia dalla veia ena contribuziun ve digls costs supplemen-  
tars tgi sa resultan per igl mantignamaint dalla veia

I vignan incassadas nignas taxas.

## **Artetgel 7**

*Prescripziuns spezialas* Per cass da schletas relaziuns dallas veias pò la suprastanza communal scumandar u restranscher per tscherts taimps definias tot igls viadis e/u categorias da vehichels. Barrieras on da neir saradas siva mintga passagi.

Igl taragn cunfinont alla veia na dastga betg neir caro. Parcar e cruschar dastga succeder angal sen igls posts previas u adattos persiva.

## **Artetgel 8**

*Disposiziuns penalas* Surpassamaints da chest reglamaint vignan punias antras la suprastanza communal cun casteis d'anfignen 1000.– fr. per cass da repetiziun d'anfignen 5000.– fr.

En abus dalla lubientscha pò aveir per consequenza ena re-tratga da tala per adegna u per en taimp limito.

## **Artetgel 9**

*Execuziun* L'execuziun da chest reglamaint schea an mang dalla suprastanza communal. Ella pò delegar chella cumpetenza a funcziunaris da cumeagn.

## **Artetgel 10**

*Publicaziun e signalisaziun* Las excepziuns e restricziuns digl traffic relaschedas cun chest reglamaint on da neir publitgeidas. La signalisaziun ò da neir fatga an concordanza cun la pulizeia da traffic cantunala.

## **Artikel 11**

*Vigour* Chel reglamaint vo an vigour cun l'approvaziun digls signals da prescripziun antras igl departamaint da gisteia, pulizeia e sanidad e cun la montascha dalla signalisaziun correspondent segl li. (Art. 13 alinea 2 determ. tar la lescha stradala)

Revidia  
Savognin, igls 19 d'avregl 2002 .

Igl mastral:

Igl actuar:

.....  
Otmar Netzer

.....  
Ulis Pool